



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 9. In Taiaobæ terris novi oppidi fundamenta jaciuntur.

urn:nbn:de:hbz:466:1-38528

IN Guairania, ex præscripto Provincialis, Socii augere numerum oppidorum satagebant. Simon Maçeta, Divi Josephi coloniæ curâ alteri traditâ, in Inianenses primus movit. Inianenses populi sunt inter Incarnationis oppidum & magni Taiaobæ terras, quatuor dierum intervallo, medii. Ex ea gente aliquot Casiqui ad Christophorum Mendoçam, apud Nivatinguienses curautem, venerant, legis Christianæ candidatos se profidentes. In quorum comitatu Simon Maçeta, jubente Antonio Ruisio, instructus rebus ad fundandum novum oppidum idoneis, per scopulos & rupes adeò altas abruptasque iter habuit, ut necesse fuerit cum flexilibus ramis loco funium è sublimissimis locis in profundissimos hiatus demittere. Superatis viæ difficultatibus, locum futuræ coloniæ elegit; ad quam incolendam ex variis pagis, hortatu Casiquiorum, multi populi statim confluxere, longèque plures concurrissent, nî Guiravera, Casiquius potens, Antropophagorum atque incantatorum pessimus, injecto metu vicinos ditioni sua populos retardasset; omnem præsertim conatum adhibens, quo Maçetam in casses suos pertractum partim ipse comedederet, partim ejus suras, quas Antropophagi maximè in deliciis habent, pellicibus suis devorandas traderet: spargebatque in vulgus, ad suspicionem ingenerandam, Simonem Maçetam prodromum esse servitutis, quam hi aliquando servirent, qui se novis religionibus initiari permetterent. Sed de hoc hominî monstro plura inferiùs. Simonis tamen Maçetæ constantiâ octingentæ omnino familiæ Cathocumenorum albo inscriptæ sunt, ad quos reducendos non parum juvere sub terra auditii horrendi clamores, & ferarum species nunquam vistæ, quarum rerum alpestru audituque Indi (si iis credendum est) narrabant se compulso ad oppidum; quod ab Simone Maçeta Divo Paulo ritè consecratum, id augmentum accepit, ut quater mille capita in eo censita sint. Sub initia fundationis, fame grassante, palmarum meditulliis, fragis, & ejusmodi sylvarum reculis, Maçeta se sustentabat, cui longè gravior quâvis fame erat solitudo, inter Barbaros invicem se comedere assuetos, furere nondum dedoctos, & suspicionibus depravatos. Evicit tamen, ne quis reductorum Baptismum renueret: quare aliquot centena capita statim sacro Fonte immersa sunt. Sed longè major Religioni Christianæ accessio facta est, magno Taiaobâ ad partes Christi tradueto: res sic fœse habuit.

MAENUS Taiaoba (in cuius terris Antonius Ruisius Antropophagorum dentes fugâ vix evasisse, amissis septem comitibus, suprà demonstravimus) Societatis famâ utcumque emolitus, binos è filiis in ementita ueste cum Maëndio Casiquio, ad Sancti Xaverii oppidum sub id tempus misit, exploraturos, num vera essent, quæ de Sociorum moribus circumferebantur. Hi complusculos dies in oppido clam commorati, tandem Franciso Diafanio ad Ibitirambetanos curanti, eorum servulo indicium dante, innotuere: qui eâ occasione in magnam spem veniens Taiaobam devinciri posse, utrumque adolescentem & Maëndium honorificis titulis appellatos palam interrogat, quo animo venissent? candidè respondentes se ad explorandum Neophytorum nostrorum & Sacerdotum Christianorum mores ventitasse. Rursum percunctatur: quî sibi nova Religio placuisset? uno ore afferentes summopere placuisse, authoresque se Magno Taiaobæ futuros Christianam Religionem in patriam recipiendi, eleganti ueste donatos ad suos remittit. De qua re Antonius Ruisius per litteras ab Francisco Diafanio monitus, occasionem Fidei propagandæ arreptutus, magnis itineribus ad Divi Xaverii municipium properat. Promulgatâ expeditione, Neophyti magno numero comites fœse obtulerunt. Sed delectu paucorum habitu, magno animo se dat in viam. Magnus Taiaoba, explorato ejus adventu, quantâ potuit pompâ extra territorii sui fines obviam progressus, multa ubique erexit lätitia ostentamenta: qui simul ac in conspectum venit, in amplexum ruens. *En, inquit, ô Pater, en me in filium recipias, & quid me agere oporteat, doceas.* Ejus verò uxor, pari benevolentia significatione, tres filios pœnè infantes obtulit, quos Ruisius magno animi affectu amplexatus, mirum quantum utrumque parentem sibi devinxerit. Nam Barbari nihil magis aestimant, quam si confixerint ab externis hominibus proles suas diligi. Inter mutua gratu-

CAPUT
VIII.
Sancti Pauli
oppidum in
Guairanâ
conditur.

Itineris dif-
ficultas.

Guiravera
ferocitas.

Ostingunt
familiæ re-
ducuntur.

CAPUT
IX.
In Taiaobæ
terrâ novi
oppidi fun-
datamenta ja-
ciuntur.

Taiaobæ filii
Societatis
mores explo-
ravit.

Taiaoba An-
tonium Rui-
sius recipit.

TURAO
XIV.
Octo & vi-
ginti Taiaobæ
filiī bapti-
zantur.

CAPUT
X.
Taiaobani
oppidi fun-
damenta
bello con-
cutiuntur.

Incantatores
bellum mo-
vunt.

Taiaoba &
Piraquata
baptizan-
tur.

Taiaoba
vincitur.

Antonius
Ruisius fugit.

Hostes fu-
gantur.

CAPUT
XI.
Antropo-
phagorum
ceremonie
in macta-
tione capti-
vorum.

lationis officia per arcus triumphales, per strepitibus festo sono undique buccinatoribus, in Taiaobæ ditionem inductus, nihil potius habuit, quām locum fundando oppido diligere, quo non procul Huibaio flumine reperio. Crucem trecentorum Indorum operā erigit, templi fundamenta jacit, oppidi areas distribuit, virgas dignitatum insignia Regis Catholici nomine dividit, Taiaobam in Duxem constituit, ejus filium natu maximum Militiae præficit, alios Casiquos variis titulis honorat, viginti & octo Taiaobæ filios infantilis ætatis ex variis uxoribus suscepitos sacro Fonte abluit, adultæ ætatis homines spe pascit futurum, ut cùm rudimenta legis Chistianæ perceperint, filiorum Dei albo inscriberentur.

SED interim dæmon furensque, vindictam machinatur, decernitque in Incantatorum concilio Antonium Ruisium quoquo modo de medio esse tollendum, ejusque receptores pro hostibus habendos. Tali authore, capto belli consilio, Incantatores quamplurimi vicinos remotosque populos ad arma convocant, factaque conjuratione in Taiaobam magno strepitu movent, omnibus denunciantes, ne quis infestas Ruisio manus admoveret: dæmon enim prædixerat vivum in manus venturum, solemani epulo postea maestandum. Magnus Taiaoba, quamvis Piraquata, Maëndius, & alii potentes Casiqui se adiunctum ei venerant, tamen hostibus longè numero inferior erat. Igitur ipse & filius, necnon Maëndius alterque Casiquius, magnitudine periculi estimata, intempesta nocte Ruisium adeunt, Baptismum ante imminens prælium sibi conferri postulantes, promittentesque se pro Christi lege morituros, si votis potirentur. Approbato consilio, eos Ruisius, pro temporis angustiis nostris Mysteris instructos, sacro Fonte lavat. Ante Solis ortum hostes quadripartito agmine Taiaobæ copias adoruntur. Primo confliuctu ex hostibus plures, ex nostris duo cecidere: multi utrimque (inter quos Taiaobæ filius) vulnera accepero. In ipsa pugna Neophytus Ruisius comes & Sacrificantis minister, dum Beatæ Virginis effigiem, ab veteratore vi raptam dentibusque & unguibus disceptam, è sacrilegorum manibus liberare studet, ab hostibus raptus gloriosam captivitatem, & paulò post mortem, in causa Virginis indeptus est. Interim ingruente hostium numero Ruisius per densissima nemora, non modò vestimentorum, sed cutis miserrimâ strage, cum paucis in tutum se receptum ibat: amnes frequenter eundo redeundoque cùm solitatem et transmettebat, ne uno & certo reliquo vestigio eum hostes assequerentur. Arborum foliis igne rostis, fungis, herbarumque radicibus vescebatur, adeò nullâ aliorum ciborum desideratione, ut ei ea folia citra omnem imaginationis fallaciam halœculæ igne tostæ viderentur. Per hæc incommoda in amicum pagum devenit, ubi magno Taiaobæ fugæ comiti multum de successu lacrymanti in mandatis dat, ut cum Piraquata Casiquio in designato coloniæ loco perseverarent, donec restituenda rei spes affulgeret. Villaricani, recognitâ, in vindictam, armatis quingentis Neophytis, Ruisio & Salazario ne damnum sub specie belli inferrent comitantibus, in perduelles vadunt. Post primum hostium incursum quatuor ex nostris occisis, Villaricani contra vim ingruentis multitudinis palis se cingere coacti sunt. Quo in loco prælio instaurato indubie ad unum omnes periissent, nî Ruisius audiissent monentem, sinerent hostes sagittas suas omnes evibrare, his exhaustis indubie fugituros. Id autem suadebat, quod morem Barbaricæ militia esse sciret mutuò emissis sagittis uti. Igitur nostri contra tela satis tuti postquam omnes hostium sagittas in manibus habuere, facile inermes contempnere. Hostibus hoc stratagemate ad fugam compulsi, Villaricani etiam ad sua se recepero, è quorum servitute Ruisius unus pagi incolas authoritate exemptos Baptismo lustravit.

EA in expeditione res accidit memorabilis: nam cùm nostri milites fugatis hostibus olliam carnium ad castra retulissent, Ruisius arbitratus carnem esse venaticam, urgente fame, ex ea gustavit. Sed in ollæ fundo capite & manibus humanis repertis immane quantum exhorruit, præsertim quando constitit carnem sui æditui esse, nuper captivi & ad celebrandum præteritæ victoriae convivium so-

lemnibus